

PUKKE!
vir al u kleurbaadjies
**Johan Claassen
Broers**
(Edms.) Bpk.
Tel. 3612,
POTCHEFSTROOM.
Kerkstraat 92.
Tak: Tomstraat 100.

die WAPAD

Amptelike studentekoerant van die P.U. vir C.H.O.

In u lig sien ons die lig.

JAARGANG XXIX

VRYDAG 8 MAART 1974

Nr. 2

CACHET APTEEK

Groot genoeg om u te bedien.

Klein genoeg om u te ken.



DIE
STUDENTE-APTEEK

SWARTMAN PRAAT REGUIT

A. M. Gerber

„EK kom as 'n Swartman, diep bewus dat ek Swart is en u Wit is, maar dat ons in dieselfde Heiland glo“, was die woorde van mnr. Gerald Brahm, 'n bekende Kleurlinggeleerde en skoolhoof, op 'n gesamentlike programaand deur Korps Veritas Vincet en P.N.B. op 5 Maart gereël.

Mnr. Brahm het dit duidelik gestel dat hy niemand wil beskuldig nie, maar eerder die weg wil baan vir kompromis en rekonsiliasie wat nou in

die brandpunt van Suid-Afrika se rassebeleid staan.

Mnr. Brahm glo dat apartheid, soos hy dit gestel het, in die weg van 'n sterk ver-

enigde Suid-Afrika staan. Volgens mnr. Brahm lê die oplossing ook nie in volkome integrasie van Wit en Swart nie.

„Die oplossing lê in die eenheid van Wit en Swart voor God. God sal die uitweg uitlê, maar apartheid verhoed dat Blank en Nie-Blank tot volkome verheerliking voor God kom. Deur apartheid word eie Nasionalisme bo God gestel.“

„Deur apartheid word wantroue en konflik tussen Blank en Nie-blank geskep. Apartheid lê in die weg van eenheid en broederskap in Suid-Afrika“, het mnr. Brahm verklaar.

Mnr. Brahm het gemaan dat albei partye desnoods sal moet opoffer — die Blankes hul inherente opvattinge jeens die Swartman, en die Swartman sal moet vergewe. Vergewe, in die sin van die onreg teen die Swartman deur die Blanke gepleeg. Mnr. Brahm het die kultuurgaping as voorbeeld geneem en verklaar dat beide die beskaafde Swartman en Blanke se kultuur op die Christelike godsdiens gebaseer is.

„Waarom dan die gaping?“ het mnr. Brahm gevra.

„Julle het God aan ons voorgestel, maar terselfdertyd het julle ons geleer om julle te haat weens die onreg deur julle aan ons gedoen.“

„Swart geleerdes dwaal van God af, omdat hulle die beeld van 'n rassitiese God, het. Wie die beste vir die Blankes gee en die krummels vir die Swartman los“, was mnr. Brahm se antwoord.

Mnr. Brahm het voorgestel dat Blank en Nie-blank 'n eenheidsgees moet ontwikkel wat deur God geriglyk is. Die tyd vir rekonsiliasie is, nou. Die uitdaging kom van God af. Menslik verwerping en veragting word ondergeskik gestel aan die Wil van God.

Mnr. Brahm verklaar dat hy bewus is van die verdeeldheid en stryd onder die Nie-blanke. Hy is ook bewus van die ouderlinge verdeeldheid en stryd onder die Blankes. Op geen stadium het mnr. Brahm die Afrikaner as onderdrukker aangeval nie, en deurgaans sy stellings van toepassing op beide Blanke volksgroepe gemaak.

Mnr. Brahm het ook na die dreigende gevaar op die landsgrense verwys. Hierdie toene-

mende bedreiging verplig Blank en Nie-blank om te rekonsilieer en om wedersydse opofferings te maak.

„Ons wapen is dus liefde vir mekaar, vertroue jeens mekaar, die besef om een in God te wees“, het mnr. Brahm verklaar.



Kleurlingleiers wat mnr. Brahm vergesel het. Van links na regs sit: Dr. S. Buti, mnr. Chris Wessels en mnr. John Thorton.

Sportterrein word geopen



'N LUISTERRYKE amptelike ingebruikneming van die Fanie du Toit-sportterrein van die Potchefstroomse Universiteit op die Oude Molen-landgoed word beplan vir 22 en 23 Maart. Die P.U.-sportinstituut stel 'n omvangryke program in die vooruitsig, waarby 'n verskeidenheid van sportsoorte betrek word.

Na verwagting sal verskeie van Suid-Afrika se bekendste sportfigure en Springbokke 'n aandeel aan die verrigtinge hê. Mnr. Piet Malan, direkteur van die Sportinstituut, het enkele van die reëlins in breë trekke bekend gemaak.

'n Sportsimposium waaraan 'n groot aantal sportlui sal deelneem word op 22 Maart in die Totius-gedenksaal aangebied. „Sportmotivering“ is as sentrale tema daarvoor gekies.

Mnr. R. W. J. Opperman, Voorsitter van die S.A. Nasionale Olimpiese Vereniging sal die openingsrede van die simposium lewer en prof. D. P. J. Smith, afgetrede hoof van die departement L.O., sal aan die einde daarvan 'n samevatting van die dag se besprekinge gee. Prof. W. N. Coetzee, voorsitter van die Beheerkomitee van die Sportinstituut sal as Voorsitter van die vergadering optree en prof. H. J. J. Bingle, Rektor sal die aanwesiges verwelkom.

Nagenoeg vyfhonderd gaste word by die simposium ver-

wag, waaronder sportdirekteure; sportbeampes; dosente in liggaamlike opvoedkunde; sportvertegenwoordigers van alle blanke S.A. universiteite; die Sportstigting en Sportfederasie; lede van die Departement van Sport en Ontspanning en die S.A. Olimpiese Vereniging; verteenwoordigers van Provinsiale onderwysdepartemente, Onderwyskolleges en inspektorate; onderwyser-afrigters van skole; sportafrigters in Wes-Transvaal en sportskrywers.

Die hoogtepunt van die verrigtinge is vir Saterdag 23 Maart bepaal, wanneer die klem op massadeelname deur die studente en personeel van die universiteit val. Deur die loop van die dag word die volgende aangebied:


- 'n Feesatletiekbyeenkoms van slegs sowat twee uur.
- Tenniswedstryde tussen spanne van die P.U. en Wes-Transvaal.
- Interkoshuiskokkie- en netbalwedstryde en wedstryde tussen die Pukke en Wes-

Transvaalse uitnodigingspanne.

- 'n Krieketwedstryd tussen 'n uitnodigingspan van die P.U. en Wes-Transvaal.
- 'n Rolbaltoernooi waaraan Wes-Transvaalse spanne deelneem.
- Drie rugbywedstryde: Puk o.20 teen 'n gekombineerde weermagte o.20-span; 'n oud-Pukspan teen die Pukke se tweede span en 'n gekombineerde S.A. Universiteituitnodigingspan teen die Pukke se eerste span.

Hierbenewens word ook 'n skouspelagtige openingseremonie in die vooruitsig gestel waar die Minister van Sport en Ontspanning, Sy Edele dr. P. G. W. Koornhof as hoofspreeker sal optree. Die seremonie sluit onder meer in: die onthulling van 'n gedenkplaat; die voorlees van 'n sportcredo; fanfare; lansering van 'n groot waterstofballon wat bo die krieketpawiljoen sal bly sweef; en 'n gimnastiekvertoning deur die departement liggaamlike opvoedkunde.

Die Fanie du Toit-terrein se sportgeriewe bestaan uit 22 tennissbane, 8 rugbyvelde, 'n atletiekbaan, 5 krieketvelde insluitende 'n moderne pawiljoen met alle geriewe, 9 netbalbane, 4 hokkievelde, 'n rolbalbaan, 'n luukse sportgebou met 'n kafeteria, onthaalsale, kleedkamers, 'n gewigte-oefensaal en 'n noodhulpkamer.



Mnr. Brahm in die middel van 'n vurige betoog. (Foto: Fotografiese Vereniging.)

Ingenieurswese op PUK

VANJAAR bied die P.U. vir C.H.O. vir die eerste keer die eerste jaar in Siviele, Metallurgiese, Mynboukundige, Meganiese en Bedryfsingenieurswese aan.

Van volgende jaar sal dan ook die tweede jaar aangebied word. Na voltooiing van hierdie twee akademiese jare kan 'n student of by 'n ander universiteit die finale twee jaar voltooi vir die graad B.Sc. Ingenieurswese, of hy kan 'n derde jaar hier voltooi en so doende 'n gewone B.Sc. graad verwerf.

Om toegelaat te word tot hierdie studierigting moet 'n student Wiskunde en Natuur- en Skeikunde as matriekvakke geslaag het. Belangstelling word bestempel as baie goed vir die wegspringslag — 35 studente het ingeskryf vir die eerste studiejaar. Geleenthede vir hierdie studente is feitlik onbeperk en die aanvraag is baie groot. Dit blyk duidelik uit die groot aantal beurse vir ingenieurstudente aan die P.U.

vir C.H.O. aangebied, dan ook groot mynmaatskappye en ander gevestigde ondernemings (Ongeveer 33).

Vanaf 1974 bied die PUK dan ook volledige vierjarige grade in Chemiese en Elektrotegniese Ingenieurswese aan. Hierdie grade is t.o.v. Elektrotegniek. Daar is reeds aansoek gedoen by die Raad van Professionele Ingenieurs dat hierdie ou grade erken word as ingenieursopleiding.

Ons heet die ingenieurstudente welkom en die PUK-massa hou met belangstelling die ontwikkeling by trapkarre dop —kursusse soos Masjientekene, werkswinkelpraktik, Majsienboukunde en Termodinamiek is immers voorgeskryf. (Ver- al aangesien daar sprake is van 'n trapkarinterversity met KOVSIES).

**Die Bult
Aptek / Pharmacy**
Noordbrug Aptek (Edms.) Bpk.

★ VIR AL U APTEKERBENODIGDHEDE . . .
...ONS KEN U BEHOEFTE

Direkteur: Prof. M. C. B. v. R. v. Oudshoorn (L.A.V.)
Voorsitter: Dr. A. P. Goossens (L.A.V.); A. C. Dreyer
(B.Sc.-Far.) (L.A.V.) en Andries G. Coetsee (B.Sc.-Far.)
L.A.V. (Besturend).

ONS KARNAVALDOEDIES

PUKKE, hier kom hulle! Ons Karnavaldoedies vir 1974! Hulle is: Karien Moolman (Karlien), Ansa Seyffert (Karlien), Elsabé Dreyer (Vergeet-my-nie) en René Gouws (Kasteel). Interessante dames met sterk persoonlikhede en 'n besondere liefde vir die Puk.

Wat musiek betref, is sy 'n aanhanger van klassieke musiek. Neil Diamond bly egter haar sangheld. Ansa bly net buite Potchefstroom en is die jongste van drie kinders. Verder sleep sy nog nie vas nie!

As agtienjarige student is Ansa 'n interessante persoon met 'n innerlike sterkte wat besluit het om op die Puk te kom swot.

2. Ansa Seyffert

Sy is in haar tweede jaar en bring haar tyd deur met B.A. en veral die beeldende kunste. Dit is interessant om te weet dat Ansa nooit van te vore kuns geneem het nie en deesdae leef sy vir kuns en alles wat kuns behels. Ansa maak al haar klere self en ook sommige van haar juwele.

Sy het gedink dat die karnavaldoediekeuring 'n groot gekskerdery was. Gevolglik het die uitslag haar stom geslaan. Verder het sy gereken dat die vrae aan haar gevra was om haar lojaliteit teenoor die Puk te toets. Vrae soos die volgende is aan haar gestel:

- a. Wat dink sy van lang hare by mans
- b. Wie is haar boksheld?
- c. Wat verstaan sy onder A.S.B. en wat dink sy daarvan?

1. Karien Moolman

Karien is 'n tweedejaar B.A.-student, stel baie belang in drama, en ook in poësie. Verlede jaar het sy netbal vir die koshuis gespeel en is 'n beginner wat tennis aan betref. Sy het oorspronklik gedink dat sy na die S.R.-kantoor moet gaan omdat daar geen damesverteenwoordiger op die S.R. is nie, en dat die S.R. gevolglik graag 'n opname wou maak van die dames se menings oor die algemeen. Die vrae wat aan haar gevra is, is in die vorm van 'n geprek aangebied. Sy is veral genader oor die klere-drag van die mans en die langbroekpakke van die dames.

Hier volg nou 'n baie interessante brokkie nuus: Karien Moolman sleep vas met Ben van Rensburg, die tweelingbroer van Theuns van Rensburg. Theuns sleep weer vas met een van ons ander Karnavaldoedies, naamlik Elsabé Dreyer. Gelukkige kerele!

SOEK NAAM

HIERMEE weer eens 'n uitnodiging aan al wat PUK is: ONS soek 'n naam vir die Dames-komitee. Word 'n hele R5 ryker deur slegs jou naam, adres en die voorgestelde naam te pos aan:

DAMES-KOMITEE-SOEK-
'N-NAAM,
Die Wapad,
P.U. vir C.H.O.,
of

Gooi jou inskrywing in Bus-sie 16 by die S.R.-kantoor. ONTHOU: Sluitingsdatum is 12 Maart 1974 en die wenner van ons kompetisie word in die daaropvolgende Wapad aangekondig.

Verder is Karien afkomstig van Outjo in S.W.A. en beweer dat die Adamsgeslag haar laat na buite straal. Sy hou van alles wat natuurlik en opreg is.

3. Elsabé Dreyer

Elsabé is aangelê vir die sosiale lewe en tog lief vir lees en die buitelewe, veral bergklim. Haar belangstelling strek van kook en koekbak tot by kleremaak. Verder is sy baie lief vir eksotiese disse, veral seekosse.

Sy is nie 'n mens wat graag in Johannesburg sal wil bly nie, maar nooit as te nimmer op 'n klein plekkie nie! Haar woorde was: „Ek sal sommer doodgaan op so 'n klein plekkie”.

Elsabé het niks teen die klere-drag van die mans van die Puk nie. Sy is mal oor die huidige modes. Wanneer dit by 'n klavier en 'n klarinet kom, staan sy glad nie onhandig nie. Terloops, sy het tot verlede jaar nog die klarinet in 'n orkes beseel.

Interessant is dat sy verlede jaar saam met die A.S.B. vir ses weke getoer het.

Elsabé het gemeen dat die keuring die Dameskomitee betrek het, en dat die net 'n menings opname was. „As ek dit geweet het, sou ek nooit gegaan het nie.”

Die keuringsraad het haar ook uitgevra oor „Kennis van die aand” van Andre P. Brink. Elsabé beweer dat dit dieselfde neigings begin vertoon as die oorsese lektuur. Sy betwis nie die feit dat dit van groot literêre waarde kan wees nie. Tog is die boek na haar mening te kras geskryf. „Aan die begin boei sulke lektuur jou, maar later wurg dit jou”.

Ten slotte: Elsabé is 'n derde jaar B.A. student, en soos ons reeds genoem het, sleep sy dik stukke vas met Theuns van Rensburg. Gelukkige Ou!

4. René Gouws

As daar van René Gouws gepraat word, is dit asof daar iewers 'n klokke lui. Iets wat mens aan die Gimnastrade laat dink. Ja, René was een van S.A. se gymnaste wat na Switserland was in 1969. Op sportgebied is sy 'n dame wat haar plek volstaan. Ongelukkig het haar belangstelling in gimnastiek gekwyn, maar sy speel tog nog hokkie vir die Puk en is 'n kranige hokkie-speelster vir Wes-Tvl.

So geheel en al onbewus was René van die keuring, dat sy sommer in haar hokkiele-re S.R.-kantoor toe gedraf het.

Sy is 'n tweede jaar H.N.-O.D. student en haar geliefkoosde disse is sosaties en roomys. Charles Bronzen is haar held en terloops, as sy geld gehad het, het sy vir haar 'n Mercedes-sportmodel motor gekoop.

Sy is die jongste van vier dogters en is afkomstig uit Carletonville se wêreld. René het geen liefde vir „underground” musiek nie (miskien omdat sy uit die gate wêreld afkomstig is?) Ligte musiek

beweer sy is strelend vir haar gemoed, en dan veral Dean Martin.

Pukmanne, René beweer dat julle klere-drag haar nog nooit ontstel het nie, intendeel! Verder trek die Puk-asters pragtig aan, veral as 'n mens dit moet vergelyk met dié van ander kampusse se dames. (Dankie René! jy laat die asters sommer baie mooi voel!

Nou ja, Asters en Ouens, dit was ons Karnaval-doe-ties self aan die woord. Namens ASTER wil ons julle sterkte toewens vir die Karnaval, en dit klink of julle sommer baie oulik is, en die Puk-aster identiteit met alle waardigheid gaan uitdra. (Dankie ook aan die Manne wat die keuring waargeneem het, ons ASTERS is baie opgetrek met ons DOEDIES).



Van bo na onder: Karien Moolman, René Gouws, Ansa Seyffert, Elsabé Dreyer. (Foto: Fotokuns.)

KARLIEN

KARLIEN se 1974 het vanjaar op die kruin begin. Die Raads-medalje, vir die veelsydigste damesstudent op die Puk, is aan Betsie Schiebush, verlede jaar se primaria, oorhandig. Voorverlede jaar het dieselfde gebeur toe Triena Roestoff, gewese onderprim van Karlien dit ook gekry het.

Met ontgroening was die S.A.U.K. hier om die dore se oulikhede plus natuurlik die ou dames se „oorspronklikheid” op band vas te lê — luister maar oor Studente-varia.

Die Eerstejaarsatletiek het heel vrolik begin, aan die sy van ROOI gedasde Skuur het ons op die sportterrein aangekom. Onder luide gesing het Karlien se dore onder hul mededore uitgesel om tweede te kom.

'n Paar feestelike interaksies is agter die rug, en met Skuur doen ons dit so in die lyn van wyn. Verlede jaar se sleep-aksies het groot vrug gedra want daar is 'n klomp met blink klippias aan hul ringvingers.

Wanda

„WANDA” — Die beste naam op die PUK! Of wat sê ons eerstejaars?

Die ontgroening was soos 'n „nickerbal” — hard maar lekker. Die ontheffing is toe voorafgegaan deur die sluk van die nare Ogpoe en die eed van getrouheid aan Wanda wat elke eerstejaar met eerbied moes aflê.


Nou — die Ontheffing: Dit was een groot roomysfees soos alleenlik Wanda-inwoners kan vier. Net na hierdie pret het die manne van Dorp hulle verskyning gemaak vir 'n midder-nagtelike braaivleis. Skielik het die „gore dore” ontpop in die pragtigste eerstejaartjies op

die plaas. Na die vrolike gesing in die vierkant is die manne hier weg met 'n groot gejuig.

Saterdag was dit net die ene optof in hierdie koshuis — dit was mos weer „dinee vanaand”. En het hulle dit nie geniet nie. Ons is bly dat julle op so 'n manier deel van die Pukke kon word.

Donderdag 28 Februarie het Wanda 'n Inter-Hallo gereël met Klooster. Hulle is getraakteer met heerlike Oliebolle en Bola.

Sonder enige twyfel was hierdie aand 'n reuse sukses. Wel, as ons die jaar so entoesiasies begin, lê daar vir ons nog groot feeste voor.



Is jy in of uit

LANK, langer, langste en nie kort, korter, kortste nie, is die mode-wagwoord vanjaar. Ja, selfs die manne is baie opgetrek met hierdie nuwe neiging en wat is mooier, eleganter en vrouliker as 'n knielengte rok. Sulke kort rokke is buitendien onvroulik, onvleiend vir die figuur en dikwels seer op die oog.

Lang rompe is beslis ook vir die dag bedoel en die aster met die dramatiese oog kan haar na hartelus uitleef in ontwerpe, kleure en samestellings. Bykomstighede se moontlikhede is onbeperk. Alles gaan af, veral bonkige krale en kunsblomme, sommer trosse daarvan in kleure te kus en te keur. Met 'n bietjie vindingrykheid en oorspronklikheid, kan 'n aster vir haar baie interessante bykomstighede maak.

Hoog, hoër, nog hoër rys ons op platvorms en hakke. Tog is hierdie sandale baie vrolik en beslis vleiend vir die been.

Met die langer word van die rokke moes iets plek maak daarvoor. Ja, kort hare is in en skielik lyk almal vrouliker, sagter en selfs vriendeliker.

Gesonde, goedversorgde lang hare is mooi vir die persoon by wie dit pas, maar dit laat die gesig baie gou streng lyk. Die huidige mode van korter, sagter kapsels (met opwipkuiwe?) is beslis 'n uitkoms. En as jy moeg is vir jou haar-kleur, maar bang vir 'n drastiese verandering, dan is sonstrepe in jou kuifie net die ding.

Maar ag dames, die mode het lanklaas soveel ruimte gelaat vir alle figure. Ken jou postuur en persoonlikheid en neem dit krities in ag by die keuse van jou klere. Niks kan 'n figuur soveel skade aandoen as klere wat nie daarby pas nie.

Al hierdie pragtige vroulike klere help jou niks as die geheelindruk nie netjies en goedversorg voorkom nie.



SR ANTWOORD OP APARTHEID

AAN die einde van verlede jaar het die redakteur van „Pharetra”, dit is die studenteblyd van die Vrije Universiteit te Amsterdam, die meegaande brief aan die S.R. van die P.U. vir C.H.O. geskrywe. Die S.R.-voorsitter antwoord mnr. Van der Meijden en op versoek van die studenteraad plaas ons dit volledig:

Geacht bestuur van die Studenteraad,

Zoals julle waarskynlik bekend, zijn naar aanleiding van het bezoek van prof. Cloete aan de Vrije Universiteit te Amsterdam binnen deze universiteit de nodige bezwaren gerezen tegen voortzetting van het uitwisselingsverdrag tussen docenten van de VU en de PU. Op 3 April jl. sprak de universiteitsraad zich uit voor een kritiese bezinning op de kontakten met Potchefstroom. Daarna is een universitaire commissie ingesteld, die zich bezig heeft gehouden met het geven van een toelichting op de binnen de Vrije Universiteit gerezen bezwaren. Wij citeren deze toelichting:

„Het zal u waarskynlik niet onbekend zijn dat deze bezwaren samenvallen met ons standpunt ten aanzien van de zogenaamde apartheid. Op de universiteitsraad is door enkele leden nadrukkelijk gesteld en door geen lid tegengesproken dat van onze zijde de apartheid — zowel in de vorm van „grote” als in de vorm van „kleine” apartheid — wordt afgewezen. Wij achten haar in strijd met de gerechtigheid welke aan alle mensen, ongeacht hun huidskleur en ras, de vrijheid verzekert om te kiezen waar zij willen wonen, welke arbeid ze mogen verrichten, met wie zij in het huwelijk willen treden, op welke scholen zij hun kinderen willen laten gaan, enz. enz. Beperkingen van deze rechten mogen nooit aan mensen worden opgelegd met als criterium hun toebehoren tot een bepaald ras of bezitten van een bepaalde huidskleur. Voor de Vrije Universiteit is de vraag gerezen of de docentenruil met de PU niet betekent dat men zich laat inschakelen in het systeem van de apartheid. Uiteraard zou de vraag haar klem verliezen, wanneer de PU evenzeer als de VU de apartheid zou afwijzen. Van onze zijde kunnen wij ons voorstellen dat u in zo 'n geval zou wijzen op de moeilijkheden dat de vigerende wetgeving in Zuid-Afrika uw handen bindt en het u onmogelijk maakt nietblanke studenten toe te laten. Een principiële afwijzing van de apartheid uwerzijds en een bereidheid om samen met ons elke vorm van raciale ongerechtigheid — zowel in uw land als in het onze

als elders in de wereld — te bestrijden, zou ons het gevoel geven dat u en wij dezelfde visie hebben op de van ons door het evangelie gevraagde dienste aan de naaste.

Onze bezwaren hebben wij hierboven duidelijk gemaakt. Toegespitst op onze overeenkomst betekenen zij dat het ons moeilijk valt aan de huidige overeenkomst vast te houden, als niet, b.v. via een fundamentele dialoog, duidelijk zou worden dat beide partijen hun roeping om in deze tijd ongerechtigheid te bestrijden in dezelfde zin opvatten.”

Tot zover de toelichting van de Commissie voor de Buitenlandse Betrekkingen op de beslissingen van de Universiteitsraad. De redactie van het VU-studenteblyd „Pharetra” stuurt deze tekst aan de studentenorganisatie aan de PU met de bedoeling hierop een reactie van hun kant te ontvangen.

Deze reactie zou ons inziens moeten bevatten: het standpunt t.a.v. apartheid, het uitwisselingsverdrag met de VU en de mogelijkheden die men ziet voor een fundamentele dialoog (zoals hierboven voorgesteld) om tot een eenduidige stellingname inzake apartheid te komen. Het afdrucken van zo een reactie in ons blad zou een stimulans betekenen voor de discussie onder VU-studenten over dit ons inziens zeer belangrijke onderwerp.

Anderzijds zouden wij het ook op prijs stellen wanneer jullie die studenten aan de PU, middels het orgaan „die Wapad”, in kennis stellen van het hierboven geformuleerde VU-standpunt.

In de hoop spoedig een reactie van jullie kant te mogen ontvangen, tekenen wij, met de meeste hoogachting, namens de „Pharetra”-red., Anton v. d. Meijden, red. buitenland.

S.R. ANTWOORD

DIE redaksie van „Pharetra” verwag om 'n reaksie van die PU vir CHO te ontvang wat drie elemente moet bevat:

1. Die standpunt van die Studenteraad ten opsigte van die uitruil-ooreenkoms met die VU.
2. Die standpunt van die Studenteraad ten opsigte van die moontlikhede vir 'n fundamentele dialoog om 'n eenvormige standpunt ten

opsigte van apartheid te probeer bereik.

3. Die standpunt van die PU vir CHO se studenteraad ten opsigte van apartheid.

1. Die uitruilings-ooreenkoms tussen die VU en die PU vir CHO:

Een van die grondslae van die moderne interstaatlike samelewing, in teenstelling met die konfrontasiebeleid van eeue gelede, is die beginsel van dialoog, „Audiatum et altera pars”. Deur kennis van en begrip vir wedersydse belange en probleme word geskille en moontlike krisissituasies opgelos of vermy. Die vraag wat by die VU opgekom het, nl. of die uitruil van dosente met die PU vir CHO nie inskakeling met die „sisteem van apartheid” beteken nie, is dus in algehele teenstelling met die begrip van dialoog. As uitruil-



ling van dosente sou beteken dat die VU by die „apartheidsisteem” inskakel, is die omgekeerde ewe waar! Die besoeke van Nederlandse akademici aan Suid-Afrika beteken ewemin 'n „inskakeling met die apartheidsisteem” as wat soortgelyke besoeke aan byvoorbeeld Rusland, China of Wes-Duitsland noodwendig 'n inskakeling met hulle sisteem sou beteken. Dit kan egter wel 'n beter wedersydse begrip tot gevolg hê. Dit is dan ook die rede waarom die PU vir CHO van mening is dat die opheffing van die uitruilings-ooreenkoms met die VU 'n belangrike kanaal van onderlinge samewerking sal sluit, en beide universiteite 'n geleentheid sal ontnem om mekaar se standpunte beter te kan begryp en te waardeer.

2. Fundamentele dialoog om 'n eenvormige standpunt oor apartheid te verkry:

Die studente van die PU vir CHO verwelkom die geleentheid om deur 'n fundamentele dialoog tot 'n eenvormige standpunt oor apartheid te kom. Die oproep van die „Commissie voor de Buitenlandse Betrekkingen” tot dialoog om 'n eenvormige opvatting met betrekking tot die bestryding van ongeregtighede te verkry, asook die oproep van die „Pharetra” redaksie tot dialoog oor apartheid, beklemtoon beide die behoefte aan fundamentele dialoog. Persoonlike „face to face” kommunikasie sou die beste manier gewees het om dialoog te voer. Ongelukkig is dit nou nie moontlik nie. Die PU vir CHO sou dus graag deur korrespondensie en deur die wedersydse plasing van mekaar se briewe in ons studenteblyd met die VU ge-

dagtes wou wissel oor apartheid. Daardeur sal ons menings oor apartheid kan wissel en tot 'n eenvormige standpunt kan kom. As Christene en verteenwoordigers van 'n Christelike studentegemeenskap steun die studenteraad van die PU vir CHO die VU se standpunt heelhartig oor die bestryding van ongeregtighede waar dit ook al ter wêreld voorkom.

3. Standpunt ten opsigte van apartheid:

Die VU verwag van die PU vir CHO 'n afwysing of goedkeuring van apartheid waarvolgens die VU sy verdere optrede sal bepaal. Tog is dit vir die studente van die PU vir CHO nie moontlik om apartheid slegs met 'n enkele woord af te keur of goed te keur nie. Op die universiteits-kampus self bestaan daar naas die drie politieke partye, ook 'n groot verskeidenheid menings en sienings oor apartheid. Die drie politieke partye, die Nasionale Party, Verenigde Party en Progressiewe Party het elkeen 'n eie oplossing vir die situasie in Suid-Afrika en 'n eie interpretasie van apartheid. Die Studenteraad van die PU vir CHO, wat ook verskeie sienings verteenwoordig, steun sekere aspekte van apartheid terwyl dit weer akademies-krities staan teenoor ander. As sekere aspekte van apartheid werklik gebaseer sou wees op die beginsel van bevoorregting en oorheersing van een volk oor ander volke wat hierdie subkontinent bewoon, dan sou dit inderdaad die plig van die studenteraad van die PU vir CHO wees om, in gehoorsaamheid aan sy roeping as studenteraad van 'n Christelike universiteit, so 'n stelsel ten sterkste te veroordeel.

4. Inleidende gedagtes vir voorgestelde dialoog:

Aangesien die studente van die PU vir CHO nie 'n eenvormige standpunt oor apartheid huldig nie, kan dit stimulerend wees vir ons diskussies as die VU-studente hulle standpunt of menings laat hoor oor sekere knelpunte en aspekte van apartheid wat tans onder bespreking is op die PU-kampus. Sekere probleme is:

- i) Reken die VU-studente dat die verskaffing van selfregering en selfbeskikking aan die Bantoevolke in Suid-Afrika, soos die Suid-Afrikaanse regering tans oorweeg, veroordeel behoort te word?
- ii) Moet die aankoop van welvarende boere se grond deur die regering om dit aan die Bantoe-tuislande te gee veroordeel word, (soos sekere mense tans in Suid-Afrika doen) of aangeprys word as 'n stap in die regte rigting?
- iii) Hoe moet die ander volke in Suid-Afrika staan teenoor die onlangse eis van mnr. Buthelezi, leier van die Zulu-volk, dat hy Eerste Minister van Suid-Afrika moet wees omdat hy die grootste volk verteenwoordig? (Daar is 4 miljoen Zulu's in Suid-Afrika en Zululand teenoor die 3,9 miljoen Xhosa's en 3,7 miljoen blankes wat die volgende grootste volke uitmaak; die kleinste volk is die Noord Ndebele wat uit 181,000 mense bestaan).
- iv) Moet daar toegegee

word aan die eise van sekere mense dat alle onderwys deur medium van Engels gegee moet word of geld die beginsel van moedertaal-onderwys nog? (Naas Afrikaans en Engels word daar in 8 Bantoe-tale onderwys gegee in Suid-Afrika aan 8 Bantoevolke wat, hoewel almal swart, van mekaar verskil soos die Duitsers, Hollanders en Noorweërs almal blank is en van mekaar verskil).

v) Is die geregverdig dat die PU-studente die regering kritiseer omdat die regering die Xhosa-studente by Fort Hare Universiteit en die Zulu-studente by Ngoma-Universiteit groter subsidieer per kapita in hulle studies as die PU-studente?

vi) Wat is die VU-studente

se siening van die beleide van die opposisie politieke partye in Suid-Afrika? (Die Verenigde Party se federasiebeleid, die Progressiewe Party se beleid van gekwalifiseerde stemreg op grond van materiële bates en akademiese kwalifikasies, en ander kleiner politieke partye in Suid-Afrika met ander standpunte).

Gelyktydig kan sodanige dialoog ook lei tot verdere gedagte-wisseling oor die verskillende benaderings en beleide van die Party van die Arbeid, Party D.66, die Katolieke Volksparty die V.V.D. en ander politieke partye in Nederland oor die aanwending van die werkkrag van „Gastarbeider” sowel as die teenwoordigheid en behandeling van Ambonense en Surinamers in Nederland.



PUKKE GAAN TOER OORSEE

DIE Universiteitsraad het op 'n onlangse vergadering toestemming aan die P.U. Rugbyklub verleen om 'n kort toer deur Europa te onderneem.

In 'n onderhoud met mnr. Piet Brand, die toerorganiseerder, het hy gesê dat alle voorlopige toerreëlings reeds getref is. Die plan is dat die span agt wedstryde in ses lande teen klubs van formaat sal speel. Dié klubs teen wie die Pukke te staan sal kom is meestal wenners van hulle onderskeie ligas.

Die voorlopige toerprogram wat sal strek vanaf 20 November tot 22 Desember 1974 sien soos volg daar uit: Lisabon vandaar na Madrid, Nice (Suid-Frankryk), Rome, Bern, Bonn, Parys en vanhier af 'n een daagse besoek aan Amsterdam en daarna word die toer afgesluit met twee dae in Londen.

Die span sal bestaan uit drie-en-twintig spelers en drie beampptes wat insluit 'n bestuurder, afrigter en 'n sekre-

taris. Die onkoste sal ongeveer R600 tot R700 per persoon beloop. Daar sal van elke speler verwag word om 'n sekere bedrag wat nog nie vasgestel is nie in te samel.

Volgens mnr. Brand sal daar geleentheid wees vir 'n groep ondersteuners om saam te gaan. Die aantal plekke beskikbaar vir ondersteuners is nog nie vasgestel nie maar sal mettertyd bekend gemaak word.

Die gedagte is reeds genoem om 'n ondersteuners klub te stig wat die toer sal mee maak. Hierdie klub kan dan met die fondsinsameling en toerreëlings behulpsaam wees. Alle verdere reëlings in verband met die stigting van so 'n klub sal in die volgende WAPAD verskyn.

★ Vervolg op bladsy 8

U het volop keuse in ons groot verskeidenheid

- HANDBOEKE
- SKRYFBEHOEFTE
- EN WAT U OOK AL VAN 'N BOEKHANDELAAR VERLANG

PRO REGE-PERS BEPERK

„Die Potchefstroomse Boekhandel”

TOMSTRAAT 86 — POTCHEFSTROOM
TEL. 5236

—ST

U kan gerus u bande versool by...

**NATYRE
BANDAG**
(Edms.) Bpk.



'N VOLLEDIGE BANDEDIENS ONDER EEN DAK Groot Voorraad

- ★ NUWE en VERSOOLDE bande Versoling nou ook verkrygbaar in die GOODYEAR G 800 loopvlak
- ★ Nuutste toestel vir WIELSPORING en -BALANSERING.

LOMBARDSTRAAT 37 — POTCHEFSTROOM
Skakel 3297 vir betroubare diens en laagste pryse.

—ST



die WAPAD

ONTSPANNING

Die probleem van ontspanning word al groter. Vanweë die brandstofberkering moet hierdie probleem ernstige aandag geniet. Dit is nie slegs die taak van die studenteraad nie, maar 'n taak van Potchefstroom se Stadsraad.

Die vraag van watter ontspanningsfasiliteite daar in Potchefstroom is, kom by 'n mens op. Dit word sterk betwyfel of een flik, twee inryteaters en Die Dam genoeg is. 'n Saak wat nie weg geredeneer kan word nie, is dat Potchefstroom 'n „Jeugstad” is. Regverdig dit dat die PUK, POTE en die Weermag, om nie eens van die Hoërskole te praat nie, met so min ontspanning sit.

Die brandstofkrisis het dit te weeg gebring dat — as voorbeeld — A.B.K.K. nie meer toere na operas en uitvoerings in Johannesburg kan reël nie. Daar is 'n uitweg, om die toneelgeselskappe in Potchefstroom te laat optree. Die vraag wat dan uitgeskreu word, waar moet dit opgevoer word, hier is nie 'n teater wat groot genoeg is nie. Kan ons nie 'n teaterkompleks in Potchefstroom kry nie of is dit te veel gevra?

PUKKE BETOOG NIE

'N Onrusbarende gerug doen tans die rondte op die kampus. Dit is wel betreurenswaardig dat die Potchefstroomse Stadsraad besluit het om 'n geskiedkundige gebou in Potchefstroom af te breek. Dit is egter nie die onrusbarende nie. Dis die feit dat daar 'n groepie studente besluit het om hierteen te betoog. Dit is nie iets wat onder Afrikaanse studente tuis hoort nie. Daar is ander metodes wat gebruik kan word om menings te lug. 'n Versoekskrif is baie beter. 'n Goedgemotiveerde versoekskrif kan mense wie se aandag verlang word meer trek. 'n Betoging sal slegs deur die perswese aangeryp word om dié PUK in 'n swak lig te plaas.

PROGRAMAAND

Baie geluk aan Korps en PNB. met hulle eerste programaand. Die gesamentlike poging van bogenoemde twee hoofliggame verdien beslis 'n eervolle vermelding en kan as uiters geslaagd beskou word.

Die spreker het egter nie altyd aan die vereistes van die akademiese verhoor voldoen nie. Ongelukkig het die opswepingstaktiek wel byval gevind by sekere geleedere van die gehoor. Werklike pitkos was uiters skraal en dun gesaai wat die gevolg gehad het dat die persone wat aan die bespreking deelgeneem het dit moes aanvul.

Die spreker het welliswaar genoeg reaksie ontlok wat die aand besonder interessant en geslaagd gemaak het. Ons sien uit daarna om die resultaat van 'n opvolgens vergadering te sien. By so 'n geleentheid kan die Pukke die debat rustig voorsit en helderheid oor sekere probleme kry. Dit sal ook 'n einde bring aan die politieke duisternis waarin party mense leef.

Prof. D. C. S. van der Merwe het 'n puik opsomming van sake gegee en die wysheid van 'n diep denker en briljante akademikus kan nouliks negeer word.

MINISTER

OP Dinsdag 12 Maart ontvang die Puk besoek van die minister van binne-landse sake dr. Connie Mulder. By hierdie geleentheid sal dr. Mulder 'n boodskap bring tot die Republiek Tarentalia en die aand optree in 'n PNB programaand. Die Pukke sien uit na die toespraak wat dr. Mulder sal lewer by die geleentheid. Dr. Connie Mulder, u word hartlik verwelkom op u Alma Mater.

Mag ons as Pukke lang teue drink uit u ervaringsbeker.

WAPAD-REDAKSIE

Hoofredakteur: Tiep van Schaik.
Assistent-hoofredakteur: Piet Ebersöhn.
Nuusredakteur: J. H. Habig (Thaba Jah).
Assistent: Jan van Niekerk (Dorp).
Redaktrise Sosiaal: Willemien Jerling (Klawerhof).
Assistent: Salome Jacobs (Dorp).
Redakteur Koshuise: Cobus Erasmus (Skuur).
Assistent: Dalene Delpont (Dissa).
Redakteur Akademies: Johan Pretorius (Skuur).
Assistent: Esme Wessels (Karline).
Redaktrise Kunsblad: Belia Booyens (Kulu).
Redakteur Sport: Isak Malherbe (Liberalia).
Assistente: P. J. Meyer (Uitspan); A. F. Vosloo (Skuur).
Redaktrise Damesblad: Salome Brits (Oosterhof).
Redakteur Inter-Universitêr: Danie de Kock (Dorp).
Redakteur P.N.B.: Quintus Pelsner.
Redaktrise Korps: Ineke Lindhout.
Redakteur A.B.K.K.: George Lotter.
Redakteur S.A.B.:
Fotoredakteur:
Fotoredakteur: J. F. D. Croeser (Uitspan).
Assistent: Sam Basch (Liberalia).
Sub-Redakteur: Attie Gerber (Liberalia).
Tegniese Versorger:
Sekretaresse: Cecilia Louw (Disa).
Peningmeester:
Sirkulasiebestuurder:

KLITSGRAS

MET die groot droogte van 1933 nou finaal agter die rug, ná die groot oorstromings van 1973/4, wonder ek of dit nie tyd geword het om die stigma van daardie maer jare finaal af te werp, en ons kampus hier in Wes-Transvaal te laat bot en blom nie.

Na die onsuksesvolle poging om mielies voor Over de Voor aan te plant, is die tyd nou ryp om grasgewasse aan te plant om te voorsien in die groenvoerbehoefte van die studente in die winter. Dit sal te gelykertyd die groot skoonmaak in die lente vergemaklik, die stof uit die oë hou, en die algemene indruk wat die kampus skep, nl. dié van een groot agterplaas, verbeter.

Dit wil tog vir my lyk of die geil jare Josef se skure vol klippe gaan maak i.p.v. „groenvoer”, as ek so kyk na die klipperk tussen Karlien en die Sentrale Eetsaal.

Verfraai ons terrein asseblief! Plant gras, blomme, struik en bome, en gebruik die water so oorvloedig tot ons beskikking.

Laat ons lyk na die vooruitstrewende Universiteit wat ons veronderstel is om te wees, of vra ek te veel? Antjie.

WIL - NET - HELP

Geagte Redakteur,

Na aanleiding van 'n brief in die vorige uitgawe van „Die Wapad”, wat tot die sosiaal-akademiese vereniging gerig is, wil ek ook graag 'n stuiwer in die armbeurs werp. Ek wil my egter by die Sentrale Akademiese Bestuur bepaal.

Enigiemand wat al die dooierige vergaderings van hierdie hoofliggaam moes meemaak (Ek dwing al om lg. woord tussen aanhalingstekens te skryf), sal met my saamstem dat hier veel ruimte vir verbetering is.

Eerstens die getalle. In die „Besembos” lyk die S.A.B.-foto na 'n koshuisfoto wat Redakteur Fanie se valbyl ontglip het. En die helfte van daardie persone het nooit 'n woord gesê op 'n vergadering nie, want wat moet die onder-voor-

sitter dan nou ook sê as die voorsitter daar is om die vereniging se oninteressante verslag aan die stuk of dertig — as daar ooit 'n kworum was — verveelde luistenaars (?) voor te hou. Om mee te begin kan met die onder-voorsitters weggedoen word.

Aangesien die onderskeie verenigings se verslae en versoeke nie die ander raak nie — en ook nie interesseer nie — wil ek die hervormings verder voer. Ek sien die ideale S.A.B. as slegs 'n koördinerende liggaam van hoogstens ses dagbestuurslede. Konvenors van komitees kan uit hulle aangewys word en die lede uit die bestuurslede van geaffillieerde en gepatroneerde liggame. Verslae kan skriftelik ingedien word. En die dagbestuur, wat nou die totale S.A.B. uitmaak, kan tweeweekliks vergader om

verenigings met sake met hulle wil bespreek, te woord te staan. Dink aan al die tyd wat gespaar kan word nadat u onderstaande syfers vergelyk het.

Onder die ou stelsel:

4 vergaderings x 1 uur minstens x 50 lede (veronderstel om teenwoordig te wees) = 200 man/ure

Onder die voorgestelde stelsel:

18 vergaderings (hoogstens!) x ½ uur x 10 lede = 90 man/ure.

Is dit nie 'n probeerslag werd nie?

Indien 'n saak opduik waarby almal belang het kan 'n spesiale vergadering baie maklik gereël word.

So kan verhoed word dat die S.A.B. 'n klug word. HY IS GOED OP PAD!

WIL-NET-HELP.

DIE KINGS HOTEL

KONDIG MET GENOEË AAN DAT HULLE NOU ONDER NUWE BESTUUR IS.

—★—

ONS BIED:

— Copper Rail Restaurant en Dameskroeg

— Studentekroeg

— A la Carte Restaurant

— Musiek deur die 'Quick-sands' van Johannesburg

ONS IS TEN VOLLE GELISENSIEER

—ST

Hit die Woord

Mattheus 6 : 9 — „Laat u Naam geheilig word”.

Die Spreukedigter het tereg gesê: 'n Naam is verkiesliker as groot rykdom.” Verloor 'n mens sy goeie naam, verloor hy invloed en vertroue.

Sal 'n goeie kind toelaat dat sy pa se naam in die modder vertrap word? Nee!

Enige mens raak ontstoke as sy naam in die gedrang kom!

Veel meer rede het God tog om Hom te vertoorn as sy hoogheilige Naam gelaster en misbruik word?

Ons bid dikwels: „Laat U Naam geheilig word,” maar leef ons dit in die praktyk uit? God eis dit van ons in die derde gebod!

Niemand kan neutraal staan nie. Ons ook nie. Daarom kan ons nie maar met die hedendaagse „kultuur” meegaan en die lastertaal van die wêreld ignoreer nie. Ons kan ook nie net die skouers optrek oor rolprente soos „Paint your Wagon” nie — dit is geen verskoning voor God om te sê: „Dit is mos maar soos die mense gepraat en gelewe het,” nie.

Christus skrywe sy Naam op die voorhoofde van sy uitverkorenes en Hy laat ons op sy Naam vertrou. Deur sy soenverdienste het Hy vir ons die ewige saligheid verwerf.

God het aan ons die heerliks verwagting geskenk om ons nou al — in hierdie bedeling — te dra, nl. dat ons eendag deur Hom sal ingaan in sy heerlikheid om sy heilige Naam in ewigheid te prys.

Met die heerlike vooruitsig moet ons dus 'n valse bedagsaamheid verlaat. Ons moet 'n vriend(in) vermaan as dit nodig is. Om te swyg en die laster toe te laat, beteken dat jy jouself en jou vriend laat skade ly. Dan loop ons die gevaar om 'n vloekende volk te red.

Moenie swyers wees nie, maar wees VREUGDEBODES en GETUIES van God se genade wat Hy in Christus aan ons betoon het.

Grade gratis in absentia toegeken

DIE Potchefstroomse Universiteit gaan vanjaar 'n nederling maak en studente wat hulle grade in absentia wil ontvang, kwytskeld van die gebruikelike fooi wat hulle daarvoor moet betaal. Hierdie besluit is geneem met die oog op brandstofbesparing. Die koste van die toekenning van grade in absentia beloop R10 vir 'n doktorsgraad en R6 vir ander grade en diplomas.

Die P.U. is 'n plattelandse universiteit en die meeste van sy studente en hulle familie en vriende moet groot afstande aflê om 'n gradeplegtigheid by te woon. Die studente wat voel om te help met brandstofbesparing deur nie die gradeplegtigheid by te woon nie, sal dus vanjaar hulle grade of diplomas gratis in absentia kan ontvang.

TARENTAAL: 'n MODELSTAAT

NAMATE die Republiek van Tarentaal toegeneem het in belangrikheid op alle gebiede, maar veral op die politieke gebied, het dit dringend noodsaaklik geword dat vriendskapsbande met nabygeleë state aangeknoop moet word om die alombekende Westerse beginsels van dialoog te handhaaf.

Ek kan motiveer wat my stelling was in verband met die belangrikheid op politieke gebied. Dit gebeur ontsettend min — en 'n mens sou 'n lyn kon deurtrek vanaf die beginstadium toe state regeringsvorms begin aanneem het — dat 'n staat 'n eenparty-demokratiese staat kan wees en dan nog op elke denkbare gebied kan floreer. So 'n staat is gewoonlik onderhewig aan voortdurende opstande, betogings, rewolusies en gedurige verandering van regering na gelang van die onguurheid van die weersomstandigheid.

In hierdie opsig is Tarentaal vandag die modelstaat in die wêreld, want ons het 'n regering wat net eenvoudig uit eksperte bestaan en 'n mens kan noodwendig niks anders as 'n unieke utopiastaat verwag waar jy uiters bekwame manne aan die stuur van sake het nie. Selfs sy Edele, Advokaat B. J. Vorster het met

genoeë kennis geneem dat hy weer eens as President van Tarentaal verkies is.

Een feit staan egter soos 'n paal bo water — Tarentaal se burgers is nie bang om hulle hout te bring as daar op hulle knoppie gedruk word nie. 'n Duidelike voorbeeld hiervan het ons gehad toe baie onlangs 'n lelike ding hier kop uitgesteek het, naamlik jeugoortredings en die regering verplig was om die burgers op te kommandeer vir hoër diens.

Dit is vir ons 'n riem onder die hoed en 'n veer in die hart om te weet jy werk vir en werk saam met ywerige burgers. Natuurlik sal julle saamwerk — dit immers waarvoor julle ons as regeerders gekies het — om saam met ons te werk en nie teen ons nie.

Voorspoedige eierleggings en Tarentaalgroete.

G. J. CILLIERS
EersteMin.



FLIEKRESENSIE

MIA FARROW is die blinde meisie in „Blind Terror”. In hierdie rol lewer sy werklik uitmuntende spel. En dit maak die rolprent met tye heel grusaam — sy kan niks sien nie!

Wat my betref, voldoen die film egter nie heeltemal aan die vereistes vir 'n riller nie. Dit maak hierdie prent darem ook nie minder goed nie, want daar is uiters spannende momente wat verder verhoog word deur die feit dat die situasie so werklik is.

Die blinde meisie gaan by familie op 'n plaas kuier. Haar verloofde op die buurplaas kom haar kort daarna haal om te gaan perdry. 'n Geheiminnige gestewelde man maak intussen sy opwagting by die plaashuis waar die familie net van plan is om ook te gaan kuier. By haar terugkoms vind sy nog niemand tuis nie en besluit om te gaan slaap. Vroeg die volgende more is haar verloofde weer daar met die perde, en sy kan nie begryp hoekom haar mense nog nie tuis is nie, of is hulle dalk tog tuis?

Hierna verloop die verhaal vinnig en is daar 'n menigte onverwagte wendinge wat ek aan die nuuskieriges sal oorlaat.

Dit is 'n goeie spanningsverhaal, en die kamera is slim en doelmatig gebruik om ook 'n goeie spanningsrolprent daarvan te maak. Die spelers se byna „onverskillige” speelstyl betrek die rolprentganger so emosioneel dat mens vra waarom dit so min gebruik word.

Boekekomitee

DIE uitsluitlike doel van die komitee is om 'n diens te lewer, en nie om wins te maak nie. Studente wat boeke wil verkoop, kan dit tussen 1.30 en 2.00 nm. na die S.R.-kantoor bring.

Studente moet self die pryse van die boeke vasstel. Daar word gewoonlik ten minste 1 op die oorspronklike prys van die boek afgeslaan.

Boeke wat studente na die komitee bring, word na Pro Rege geneem, wat die verkope vir die studente behartig. In Pro Rege is daar 'n spesiale boekrak vir die komitee. Voornemende kopers kan dan die boeke op die rakke uitsoek.

Fliekprogram, 20th Century

MAARTMAAND

Woensdag 6 tot Saterdag 9: „White Lightning”. Burt Reynolds. 4 tot 18 geen toegang.

Maandag 11 tot Saterdag 16: „Aanslag op Kariba”. Will Sealie, Ken Hare. Geen beperking.

Maandag 18 en Dinsdag 19: „Steelyard Blues”. Jane Fonda, Donald Sutherland. Geen persone 4—18.

Woensdag 20 tot Saterdag 23: „Anyone for Sex”. Hywell Bennett, Nanette Newman. Geen persone 4—21.

Saterdag 23 om 2.15 nm.: „There's a noose waiting for Trinity”.

Maandag 25 en Dinsdag 26: „The Glass House”. Vic Morrow. Geen persone 4—18.

Woensdag 27 tot Saterdag 30: „Bait”. Marius Weyers. Persone onder 12 moet vergesel word deur volwasse persoon.

KOOP DIE TYD UIT

HIERDIE boodskap is in besonder gerig tot die eerstejaars wat pas die oriëntering agter die rug het en nou tot 'n groot mate op eie stoom die studente-lewe invaar.

Almal weet van die voortdurende weeklaag oor die ontspanningsgebied op die Puk. Dié eerstejaars wat nog nie daarvan gehoor het nie sal stellig binnekort daarvan hoor.

Mense is te geneig om sommer net saam te skreeu sonder om 'n bietjie na te dink. Hier vind hulle 'n geleentheid om te kritiseer — een van die kenmerke van die neo-liberalisme van die huidige tydvak — op 'n skinkbord aangebiet, waarom dan nie sê?

Die feit dat verskeie hoof- en onderliggame van die Studenteraad gereeld programme en dies meer aanbied word gerieflikshalwe oor die hoof gesien. Wat meer is, omdat die seniors van jou as eerstejaar vereis om hierdie aksies by te woon, vind jy hierin ook geleentheid om te rebelleer, want pas uit die huis of weermag, is jy nou oorbehep met jou-eie-baas-wees. In die proses onderstreep jy egter maar net die feit dat jy nog nie ryp genoeg is om ten volle tussen voordeel en nadeel te onderskei nie.

Nou 'n goedbedoelde stukkie raad: Werp jou uit want uit ten volle in die georganiseerde studente-lewe en jy sal uitvind hoe min tyd oorbly om jou te bekommer oor wat om te doen. Moenie jou vir tydverdwyf wend tot drank, bevragsaagtebare avonture met lede van die teenoorgestelde geslag en ander ongesonde vermaak nie.

Volkome bevrediging lê nie op daardie terreine nie. Ook pas dit allermens nie by die gees van ons universiteit nie en jy was bewus van die standpunt vóór jy ingeskryf het. Dus moet jy jou daarby neerlê.

Aktiewe deelname aan die georganiseerde studente-lewe help jou om 'n onafhanklike denker te ontwikkel en ook om 'n geestelike paraatheid teen die liberale tydsgees op te bou.

Meer as een persoon het al erken dat hy tot sy spyt nie eerder die georganiseerde studente-lewe ontdek het nie. Moenie dat dit jou ook oorkom nie. Begin nou en koop die tyd uit.

Karnaval '73

-hempies
te koop
teen
spesiale
pryse
50c elk
by
SR-kantoor.

deur my lens
reflektor

ONS is die jeug, die jongmense, die sorgvrye groep van die samelewing waarin ons woon.

Tog, wanneer ek so rondloop en luister, kan ek nie anders as om te dink dat ons maar net in liggaam jonk en mooi is nie. Ons gees is siek, verrot tot in die kern, 'n stukkende massa vuil.

Nou sal julle vir my vra hoekom? Soveel jaloerie en nawyer by een groep mense versamel, is skrikwekkend. Julle beskinder mekaar, praat kwaad, kam die een wat uitstyg af. Daar kan net nie goed gepraat word van jou mede-student nie.

Ja jy, jy wat hier lees wat dink: „Aag wat, dis seker vir ou Jan, of ou Bets hier in die ander kamer, want hy, sy, skinder tog so lekker. Dis julle, die huiskomitees wat die eerstejaars waarsku teen sekere mans op die kampus.

Dames, 'n man gedra hom

so goed of sleg as wat sy gesel dit toelaat. As jy dus persoonlike ondervinding het van die betrokke heer, doen so 'n klein introspeksie, en kyk 'n bietjie of jy verfynd genoeg is.

Julle ou klomp wat heeldag niks anders het om te doen as julle mede-studente te bespreek nie. Jy mans en dameskoshuis, dis in jou binneste waar die vrotspul aangaan. Werp dit uit, trap daarop, begrawe dit, dit stink.

Jy juffrou, jy meneer met jou skynheilige gesig op die kampus. Moet nie 'n tweegesig jakkals wees nie. Leef spontaan en vriendelik, en maak ook jou gees so Ons kan nie van almal hou nie, maar los hom of haar dan om sy of haar eie lewe te ly.

Volgende keer noem ek julle by die naam. Let op.

TEEKANPRAATJIES

ORIENTERING is verby en die meerderheid studente is tevrede met die wyse waarop daar ware Puk eerstejaars van die Dore en Drake gemaak is.

Heelwat van die seniormans is egter van mening dat die Dore tydens die Kenmekears onherkenbaar vermom was. Dit is tog waar die rondtes met die sakboekies gedoen word om die fraaistes uit te soek.

Die eerstejaarmans het oriëntering in die regte lig beskou en dit selfs geniet. Die eerstejaardames daarenteen kla oor die katterigheid en jaloerie waarmee sommige „oujongnooiens” hulle behandel het.

Verder meen hulle dat dit nodig is aangesien hulle op hierdie manier hulle mede eerstejaars asook die seniors leer ken, ook van hulle matriekmentaliteit en grootheidswaan ontslae raak en so doende as ware eerstejaars van die PUK ingelyf word.

Alle seniors is dit eens dat alhoewel die ontgroening verby is, die eerstejaars hulle nie met die nodige respek en agting behandel, soos die gewoonte hier op die PUK is nie.

Koop 'n Loop-Happie

Tel. 8343

Olënlaan 3

Het u al ooit een van ons puik wegneem-geregte geniet?

Vergelyk die pryse!

VETKOEK:

MAALVLEIS	25c	EGG BURGER	35c
KERRIE	25c	BURGER	30c
KAAS en KONFYT	25c	SPEK en EIER	30c
EIER en TAMATIE	25c	BILTONG	30c
DAGWOOD	50c	HOENDER en MAYONNAISE	30c
WORS	25c	PIESANG	25c

ALGEMEEN:

HAMBURGER	30c	HAM	22c
EGG BURGER	35c	KAAS en TAMATIE	25c
DAGWOOD	50c	SPEK en EIER	30c
REUSE HOTDOGS	25c	HOENDER en MAYONNAISE	30s

OOK KERRIE EN RYS 30c, 40c, 50c.

Ons lewer verversings by dameskoshuise af en verskaf massaversersings by sport en ander geleenthede.

—ST

P.N.B.-wapad

ALGEMENE VERKIESING IN BRITTANJE

TOE mnr. Edward Heath, die Britse premier, die verkiesing uitgeskryf het, het hy hom op die demokratiese stelsel beroep om die land te red — 'n mens wil amper sê die demokraties-parlementêre stelsel of dalk die parlementêre instelling van die demokratiese stelsel. Ek gebruik hierdie woorde om aan te toon dat die parlement in Brittanje nie meer die crux is waarom die demokrasie draai nie. Die vakbonde poog om die parlement te ont-troon.

Ek sê „die interessante” omdat dit juis die uitbuiting van die gees en instellings van die demokratiese stelsel was wat die Britse volk in hierdie krisis gedompel het. Dit is algemeen bekend dat die vakbondwese in Brittanje tot die fynste nuances uitgewerk is (meer as in enige ander Westerse demokrasie), en daarom is dit nie verbasend dat dit lyk asof dit binne die vakbondleiers se mag is om enige Britse regering tot 'n val te bring nie — ook die nuwe regering van mnr. Wilson.

Wetgewersowereniteit, sovereynheid of parlement, en demokrasie in Brittanje is begrippe wat herwaardeer of dalk herdefinieer sal moet word.

Een ding kan dit verhinder, en dit is omvattende hervormings — iets wat geen regering nou in Brittanje sal vermag nie. 'n Mens wonder of die Britte deur die huidige krisis sal kom; „muddle through”, soos hulle dit stel.

Waar het dinge begin skeef loop?, kan gevra word. 'n Eienskap van die gees van die demokrasie is politieke verdraagsaamheid. Vir sommige beteken dit dat mense van enige ideologiese oortuiging vry moet wees om te sê wat hulle wil, te publiseer wat hulle wil, en hulself te organiseer.

Dit is iets waarop Brittanje hom in die verlede beroep het. Dit is nie iets waarop Suid-

Afrika hom beroep nie. Die Wet op die Onderdrukking van Kommunisme en die Nywerheidsversoeningswet (beide baie tydlig deur die parlement aangeneem), is sprekende voorbeelde van die gees wat in Suid-Afrika heers.

Die huidige krisis in Brittanje neig om my te dwing om die bestaan van hierdie wette op prys te stel. Dit laat my ook 'n groter vraagteken plaas agter die oogmerke van die Britse Vakbondraad met sy kommissie na Suid-Afrika, veral in die lig van die mislukking van die vakbondwese in Brittanje om 'n bydrae tot nywerheidsrus en orde te maak.

Die mislukking is tog duidelik: die vakbond is ontwerp om regverdige diensvoorwaardes vir die werker te beding. Dit is nie ontwerp om die regering uit te daag, die volk af te pers, of om die land tot op die drumpel van ekonomiese ondergang te bring nie.

Dit is die strydpunt in die verkiesing. Mnr. Heath se lone-beleid, en mnr. Wilson se propagering van groter nasionalisering, blyk tragies nie ter sake te wees nie. Dit gaan om die vraag na wie Brittanje regeer.

Wat dus nodig is, is 'n mandaat van die Britse volk vir die toepassing van strawwe regstellingsmaatreëls, 'n mandaat om op te tree, 'n mandaat om die vakbondstelsel (die hart van die Britse nywerseidswese, maar glo my, 'n siek hart) te hervorm.

UITSLAG

Geen mandaat van so 'n aard is verkry nie. Die hervormers se hoop was op mnr. Heath gevestig. Mnr. Heath en sy Konserwatiewe Party het minder setels as die Arbeiders van mnr. Wilson gekry. Laasgenoemde het self nie 'n volgestrekte meerderheid nie. Mnr. Heath het intussen bedank, en mnr. Wilson is besig om 'n minderheidsregering saam te stel.

Daar was nog die moontlikheid om 'n koalisie tussen die Konserwatiewe- en Liberale Partye (paradoksaal soos dit mag klink) te vorm, maar daarvoor was mnr. Jeremy Thorpe nie te vinde nie.

Mnr. Thorpe het hom uitgespreek ten gunste van 'n regering van nasionale eenheid wat noodwendig uit al die partye sal bestaan. Só 'n regering sou 'n beperkte program aanpak vir 'n tydperk waarvoor ooreengekom sou word.

Op dié wyse sou gepoog word om Brittanje uit die huidige krisis te lig. Dit is egter 'n ooreenvoudiging van partyverskille en lands-

probleme, en het in die verlede nog nooit vrug afgewerp nie. **GEVOLGE VIR SUID-AFRIKA**

Daar kan verwag word dat mnr. Wilson, wanneer die verslag van die Vakbondraad se Kommissie oor Lone in S.A. in die Britse Parlement 'ter tafel gelê word, sy eerste houteen Suid-Afrika sal inkry. Oor die rigting wat hy gaan inslaan hoef ons nie te gis nie. Sy vorige termyn en kongresbesluite oor die Simonstadse Ooreenkoms het P.N.B.-Atueel verlede jaar reeds bespreek. Ons weet hoe hy voel oor sportbande met die Republiek. Wapenverkope sal sonder twyfel in die slag bly. Hoe effektief en hoe lank hy sal regeer sal egter nie nou gesê kan word nie.

Volkere-verhoudings in Stedelike gebiede

IN DIE huidige tydsgeewig en namate die beleid van volksidentiteit ontplooi, is dit van heersende belang dat elkeen hom moet beywer vir die sukses van die patroon van menseverhoudings in Suid-Afrika.

Hierdie oproep kom tot elke Suid-Afrikaner — wat volksidentiteit voorop stel in die konstruering van 'n beleid. Dit geld vir elke inwoner van die Republiek omdat die patroon van menseverhoudings nou algemeen onderskryf word.

Die N.P. mag die kind voortgebring het, maar hy is ons almal s'n. Daarom rus die verantwoordelijkheid op die sentrale, provinsiale en munisipale owerhede, werkgewers en Jan Burger. (Die tuisland-owerhede, hoewel hulle 'n rol speel, word hier buite rekening gelaat omdat dit hier in die eerste plek gaan om die stedelike bevolkings.) Dit sê ek sonder huiwering omdat dié belangrikheid nou, in 1974, erken word deur die drie Blanke politieke partye wat in die Parlement verteenwoordig

is, en deur die leiers van die Bantoe-volke.

In 1959 is wetgewing vir die konstitusionele ontwikkeling van die Bantoe-volke aanvaar. Die aanvaarding van groepsidentiteit as bousteen vir Suid-Afrika se staatkundige toekoms was die vrug van hierdie wetgewing. Vandag is dit net nie meer vir die politieke party — wit of swart — moontlik om in die formulering van sy beleid die volkerverskeidenheid te misken nie. Dit is onlangs deur Kaptein Mongope van die Tswanas uitdruklik so gestel.

Die interessante (en verblybende? — hoewel nie algemeen aanvaarde nie) is dat, namate ons weg beweeg van veelras-sigheid na veelvolkigheid, vooroordeel en diskriminasie besig is om te kwyn.

Daar is vele bewyse: open-

like konsultasie tussen gemeenskappe op die hoogste vlak, die aansien en individualiteit (vergelyk maar Kapteins Mongope en Buthelezi se standpunte oor federasie op die twee onlangse simposia) van swartleiers, sport arbeidsbetrekkings en die regering se nuwe planne vir Nle-blankes in die stede. Die Sentrale Regering het onderneem om die wette te vereenvoudig. In Oktober 1973 is 'n nasionale hulpfonds vir nuttige vryetysbesteding in die lewe geroep. Kort tevore is die Bantoesake-administrasierade in die lewe geroep om vir die gasarbeiders 'n groter afsetgebied te bied en wat die belofte van beter lewensomstandighede inhou. Dit is egter slegs die raamwerk wat deur die staat geskep word. Die in-

★ Vervolg in kolom 1

Volkere- verhoudings

* Vervolg van kolom 6

vul van die raamwerk hang af van die openhartige samewerking van munisipaliteite — daardie vlak waar die onaangenaamheidjies kan voorkom — waar die groot skade gedoen kan word.

Kwetsende diskriminasie wil nie een van ons nie, maar om dit, terwyl dit slegs 'n tydelike maatregel is, af te skaf en daardeur nuwe wrywing te skep, of die reg van die lede van elke gemeenskap om op hulle eie manier, sonder inmenging, te leef en te ontspan, aan te tas — dit sou futiel wees.

Geen munisipaliteit kan sy eie koers bepaal of op sy eentje beplan nie. Optrede sal net positiewe resultate oplewer as dit in ooreenstemming is met die algemeen aanvaarde en onherroeplike patroon waarna verwy is.

KAMPIOENMAKERS

Hengelgerei

JAG



Safari
SPORT
EDMS., BPK.



SANTAM - ARKADE
KERKSTRAAT
TEL. 7673
POTCHEFSTROOM

KOSHUI SKOS

HEIDE

HEIDE is vanjaar vyf jaar oud en om hierdie geleentheid te vier, gaan daar ernstig fees gevier word. Hulle gaan die warmwaterbron, Lekkerrus, te Naboomspruit vir 'n hele naweek lank inneem en groot partytjie hou.

Die manne van Klooster en Dorp kan natuurlik geesdriftig saampraat wanneer daar van sosiale verkeer met Heide geskryf word.

Tydens die intertee saam met Klooster het die asters na Klooster gegaan en volgens die eerstejaars was dit feeeste. (Die oudames moes hierdie een keer die voorreg ontbeer.)

Die Dore was so geesdriftig dat hulle hulle intertee opgevolg het met 'n sêr, waaraan die seniordames ook hierdie keer tot hulle groot verdriet nie kon deelneem nie.

Ooglopend was bostaande geval die enigste waarin die eerstejaars die botoon gevoer het. In die eerste twee weke het die ou dames die Dore behoortlik onder hulle duime gehad en hulle baie fluks aan hulle vrot uie laat kou. Die gevolg is dat die Dore darem nou na die weke van intensiewe swaarkry so 'n ietwat ontpop het as goeie eerstejaars.

Heide kan vanjaar spog met 'n paar mooi eerstejaars wat die seniors vinnig laat gryp het na hulle mooimaakgoedjies, veral toe die eerstejaars ewe skielik van hulle pienk doreroke ontslae geraak het.

Wat nie een van die Dore seker ooit sal vergeet nie, is die veelgeroemde oopgewaagde met moeite gesluk is voordat hulle onthef is. Alle ellende en wraakgedagtes is egter opgeskuiw toe die gewelddadige inlywingsproses afgesluit is met 'n dinee wat uit roomys en nogmaals roomys bestaan het. Die Dore het vinnig afgekoel en die ou dames ook.

MAKOUVLEI

DIT was nou sommer net fees: 'n Sêr vroeg in die oggend; 'n middagete aan twee hoof tafels in die Sentrale eetsaal en op die koop toe 'n braai-vleis wat lank onthou sal word. En dit moet onthou word — Makouvlei word tog net een keer mondig. Donderdag 28 Februarie het inderdaad bewys dat Makouvlei 'n familie is wat sy mondigheid met waardigheid kan dra. Mens kan dit net waardeer dat prof. Preller ons die aand met sy aanwesigheid vereer het. Vir daardie makou van Makouvlei kan mens net voel om te werk en te stry, so 'n koshuis verdien dit.

Makouvlei is een-en-twintig are jonk!

KLAWERHOF

IN die groen land van die Klawers gaan dit reeds weer heel aan die brand. Die eerstejaars is reeds volbloed Klawers; dit het hulle trouens al bewys met die uiters geplaagde S.R.-onthaal in die egte Cowboy en Can-can-gees! Jeneer Pieter Mulder, S.R.-voorsitter, se enigste bekomsnisme oor dié saak is glo dat die geagte Rektor hom met 'n skaars merkbare glimlag gadeslaan het terwyl hy in sy voorsittershoedanigheid geblinddoek vooraan 'n groep geblinddoekte S.R.-lede en barbaarse Cowboys uitgery het. Nou staan Klawerhof egter

vol in die akademie, wat gelukkig gereeld genoeg afgewissel word met allerlei interessantheide, soos die organiserings van uiters geheimsinnige intertees.

Groot dinge word beplan vir die P.U. Atletiekkampioenskappe, waar die Huiskomitee verteenwoordig sal word deur mej. Willemien Jerling. Mej. Jerling het ingewillig om saam te stap met die 1500 m langafstand. In die geleedere van Klawerhof word ook verwelkom die verloofde van mnr. Kobus van der Walt, mej. Annatjie Voster, wat ook Woensdagaand sal deelneem.

Die Sêr-groep is reeds aan die oefen, en het besluit om hierdie jaar in hulle aanbieding 'n egte Wes-Driefonteinse geur en klank te bring.

Klawernonsies, die koshuiskoeant wat verlede jaar gebore is, gaan vanjaar tot iets groots uitgebou word, só be loof mej. Magrieta Lee.

Op amoreuse vlak gaan dit voor die wind.

Klawerhof groet die Puk en wens almal 'n groot jaar toe!

SKUUR

BEWUS van die taak wat op hulle wag, het Skuur se Huiskomitee gearriveer, stil en vasberade. Op hul hakke het die eerstejaars gekom, vol mooi drome maar o, só onkundig. Ná 'n week van vroeg opstaan (om so veel as moontlik van die dag te geniet) en laat gaan slaap (bang hulle mis iets) was ons hande reg vir hul vuurproef.

Was dit nie puik nie! Weer eens het die manne van die Olifantbul hul pad oopgestoomroller na oorwinning. Ons simpatie aan die powere kompeteerders wat almal langs die pad gesneuwel het. Onthou „ons vra nie genade en ons gee maar min...”

Geluk aan die Hande van Skuur vir jul spanpoging op sowel as langs die atletiekbaan, waar ons vanselfsprekend ook die sang oorheers en die beste dirigente gehad het. Ons misken nie ons slepe nie — dankie aan Kasteel en Karlien vir jul mooi bydrae.

Intussen het die ouhere gearriveer in al hul stil, statige, dreigende glorie. Skielik was die Skuur 'n miernes van bedryghede. Geluk aan elke hardwerkende senior wat meegehelp het tot veral die laaste aand se klimaks. Toe die „ongeorganiseerde chaos” uitbreek (vgl. 'n eerstejaar) het verskeie bevrees die hasepad gekies.

Dankie Karlien, vir die baie aangename byeenkomste wat ons kon deel, en so aan al die dames vir die intertees.

Sterkte vir elke Skuurman en Puk met die meer ernstige dinge, soos sleep, slaap en sloer. Die Skuur se Nuwejaarsbesluit: „Ons maak met almal wat ons wil, want ons is die Olifantbul!”

TOEKOMS

HIERDIE koshuis, gevestig in die ou Geografie en Drama geboue aan die noordoostekant van die kampus, gaan vanjaar sy derde bestaansjaar binne.

Met nege-en-sewentig inwoners (die grootste inwonertal ooit) gaan Toekoms ook vanjaar poog om, soos in die verlede, dié koshuis op die Puk te wees. 'n Goeie gees van samewerking tussen die manne toon beloftes vir 'n mooi jaar.

Die sewe-en-dertig eerstejaars het mooi ingeval by die algemene gees van die koshuis en het die oriëntering goed deurstaan.

Onder die eerstejaars is daar ook verskeie talentvolle manne en dit kan daartoe bydra dat Toekoms weer vanjaar sy stem kan dik maak op sport-, kultu- en ander gebiede.

Tot dusver het ons alreeds interaksies gehad met Klawerhof, Kulu, Oosterhof en die dames van die Dorp. Ons wil langs hierdie weg weer eens ons hartlike dank aan hulle oordra.

Binnekort maak ons weer so.

VERGEET-MY-NIE

heerlike gesellige atmosfeer 'N MOOI nuwe koshuis met mooi meisies... pragtige Vergeet-my-nietjies!

Gedurende die oriëntering was dit baie gou duidelik dat Vergeet-my-nie die oulikste dore op die kampus het. Ons dore het uitgeblink en die eiergooi sommer ver gewen. Dié eier pryk in ons ontspanningsaal.

Met die eerstejaarsatletiek het Vergeet-my-nie goed ge-vaar. Ons het die SR suksesvol onthaal in die „Casino” wat ons geskep het. Oorspronklikheid en inisiatief was die waggeworde...

Die terugkeer van die seniors was vir die dore oorweldigend en hulle het deur diep waters gegaan voor die onthefing Vrydagaand.

Die onthefingsdinee in Kasteel-eetsaal was werklik 'n hoogtepunt. Die besondere ontwerp van die eetsaal het 'n aan die onthaal verleen, en meer as een eerstejaar het met blinkende oë teruggekeer... Na twee weke met teelepeltjies eet het die jong Vergeet-my-nietjies pragtig met mes en vurg reggekom.

Ons het reeds 'n hele paar suksesvolle intertees agter die blad, met onder andere die gewilde Skuurmanne, 'n braai-vleis met Uitspan asook Makouvlei en 'n nader (nat?) kenismaking met Heimat. Over de Voor het ons ook al oorge-nooi vir 'n baie gesellige intertee... dis baie duidelik dat die manne ons nie vergeet nie.

Wat die sport(s?) aanbetref is die bal aan die rol gesit en die musikante oefen al vir die sêr. Almal is baie bedrywig.

Onthou ons is die eerste koshuis na die duikweg. As jy daar verby stap — Vergeet-my-nie en kom binne vir 'n koppie tee!

KLOOSTER

IN die lig van wat reeds alles gebeur het, is dit nou te laat om te sê dat Klooster aan die begin van 'n nuwe jaar staan.

Wat die algemene voorkoms tydens oriëntering betref het Klooster halflyf bo die ander uitgetroon met hulle swart strikdassies en broeke en wit hemde. Om te wys wie baas is, het die Pukkewyne ook telkens aanskoulike parades om die kampus uitgevoer. Terselfdertyd het hulle 'n voorbeeld gestel van hoe 'n goeie Puk nou eintlik moet lyk.

'n Ander rede tot verdere trots is natuurlik die eerstejaarsatletiekbyeenkoms. Ten spyte van die feit dat Klooster in getalle ver oorskadu is, het dit drie ander koshuise se toegewyde inspanning ge-

verg om ons te wen. In goeie sportmangees het die Pukkewyne besluit om elke tweede jaar 'n ander koshuis die geleentheid te gun om te wen.

Goeie nuus van die Pukkewyne aan al die Pukkewyfiens is dat Klooster tans op vrye voete verkeer. En te oordeel aan die spontane sêrkompetisies wat gereeld in ons tuine plaasvind sal dit nie lank duur nie...

Aksies wat reeds vanjaar ge-loods is, is onder meer die suksesvolle vroeë-oggend intertandeborsel met Wanda op die kampus, 'n konsert by Klawerhof en intertee-byeenkomste met Wanda, Wag'n-Bietjie (wat nie op hulle laat wag nie — nie eers 'n bietjie nie) en Heide.

Die Pukke bedank hiermee vir Wanda wat tydens die eerstejaarsatletiek as waardige metgesel vir ons opgetree het.

OVER DE VOOR

IN die koninkryk van die leeu het die jaar 1974 sonder veel gebrul begin. Die ou grote bêre sy stem vir groter dinge. En moenie dink hy is nie reeds besig om sy maanhare reg te skud nie. Sy ou swaar poot gaan nog vanjaar 'n hele paar almal-sal-daarvan-weet klappe klap.

En ons buurkoshuis het toe so stil-stil groot geword. Kan julle glo dat Makouvlei al mondig is? Van ons kant af wil ons julle kerele van harte geluk wens met die mylpaal wat julle bereik het. Mag julle toekoms net goed en mooi inhou. Wat van 'n mosie van vertroue in die boukontraakteurs wat 'n gebou kan oprig wat julle aan-

KOSHUI SKASKENADES

GEAGTE PUKKE,

(En as ek sê „Pukke”, bedoel ek elkeen op ons kampus.) Soos julle weet, beteken „Kaskenades” mos Kaperjolle en „Kaperjolle” weer so 'n „Gewieliewaai”. Die Wapad sal van nou af weekliks enige interessante gebeurtenisse in die koshuise deur die skinderhoekie wêreldwyd uitlaap. Julê is dus welkom om elk sy bydrae te lewer. Daar is net een beperking — dit moet of groot nuus, of egte skindernuus wees.

Red. Koshuise.

Ons verneem dat die Pukkewyne se stertvere hang nadat die Olifantbul daarop getrap het. Skuur laat weet: Onthou 'n groot mond is nie bevorderlik vir liefde nie. (Veral as mens so sleg doen in die atletiek ook.)

Skuur se puik gees die jaar is dee's te danke aan hul twee puik komponiste Wentzel en Cobus. (Uit vrees dat Alabama hulle by skuur sal kom afrokkel mag ons nie hul vanne bekendmaak nie.)

Karliens sê glo kys is uit die borse — hulle sal van nou af net vassleep.

Over de Voor moes drie nuwe huiskomitee-lede kies. Sterkte aan hulle.

Heimat se eerstejaars wie kelnars was, het skynbaar nie die drank bedien nie maar gedien — soos die sloot by Kasteel waarin hulle gery het getuig...

Na hulle inter-sjerrie dink Skuur Karlien se teekanne het die lekkerste tee, veral toe almal so „getee” teruggekom het.

OOSTERHOF

DIT is mos waar die dames van die Puk bly. Getrou aan ons tradisie gaan ons 1974 'n feesjaar maak, en moet nie dink dit sal die tradisionele intertee met koekies wees nie.

Wat ons beplan word dig in die mou gehou — net om dinge nóg interessanter te maak. Kyk, daar moet natuurlik 'n goeie ewewig tussen akademie en ontspanning wees, dit is die rede waarom die „sports” 'n bietjie meer aandag moet kry.

Die bal is deur die eerstejaars (toe nog dore) afgeskop. Die S.R. het mos 'n verwelkomingsdinee gekry wat tot nou nog sy gevolge het. Wanneer is dit die Oudames se beurt? Maandagaand het Oosterhof begin met haar eie Studentevaria (Oosteraria?) oor die interkom. Daar is vuur gemaak onder sommige amperverloofdes, en wie weet, dalk gebeur daar baie groot dinge die komende sleeptye.

Ons sportmanne het ook met groot geesdrif begin oefen. Beide die hokkie- en netbalspanne oefen elke middag met die oog op die koshuisliga en die wedstryde op 23 Maart.

In ons midde is 'n puik veldatleet. Annalie Cabano vertoon baie goed in skyfwerp, en behoort maklik die Puk se atletiekspan te haal.

Hou ons dop. Hierdie jaar gaan 'n groot een vir elke OOSTERNOOI wees. Ooster-groete.

KASTEEL

KASTEEL is nou ons nooiens- van en die opsiters brand steeds korter. Interaksies met Skuur, Dawie Dup, Over de Voor, Makouvlei, Kompleks en Gatland dui op sosiale voorspoed. Die groot dinge lê egter nog voor. Vir die manne wat ons hart wil steel, sal daar altyd iets spesiaals wees. Sêre en al die lekker dinge word waardeur by Kasteel. Kom kyk maar na al die flikkerligte.

Vanjaar gaan ons ons ook toelê op sukses op die sportterrein. Hokkie, tennis en netbal word hoofsaaklik verteenwoordig — hou ons net dop.

Dinsdagmiddae om half ses by die Fanie du Toit, sal Kastelers ook hard meeding vir die medaljes van die Draf en Leef-aksie van die L.O. vereniging. Boonop het ons nog heelwat oulike planne van optredes in die vooruitsig.

Kasteel het groot gees!

DORPSTUDENTE

NA afloop van die oriëntering, kan die dorpstudente terugkyk op 'n baie goeie begin in 1974. Die eerstejaars het meer as gewoonlik gely, maar dit was ten goede, soos wat menige oud-draak kan getuig.

Ondertussen is die eerste ledevergadering van die nuwe-saal. Die vergadering was heel Februarie in die Hoofgebou-saal. Die vergadering was heel geslaagd onder leiding van die nuwe bestuur bestaande uit:

Gert Joubert, Eric van der Walt, Theuns Eloff, Mike Zondag, Johan Wessels, Salomé Jacobsz en Trudy Bezuidenhout. As penningmeester is op die ledevergadering verkies Christo Schwellnus.

Reeds is verskeie aksies op sosiale gebied met verskillende dameskoshuise gehou, waaronder die geslaagde braai-vleis met Wanda. Binnekort word die dorpsheimpie beskikbaar gestel, waarvan net 'n beperkte aantal beskikbaar sal wees. Sodra hempie kom kan dit by die Penningmeesterskantoor gekoop word. Die dorpstudente sal binnekort 'n teekamer en ontspanningslokaal kan betrek. Heimat se kombuis is reeds amper ontruim.

Die geselligheid wat op die 9e Maart gehou sou word, is verskuif na die 16e Maart, om 7.30 nm. Reëlins kan met die bestuur getref word. Indien daar dorpstudente is met probleme ten opsigte van D.S.V.-sake kan hulle die bestuur enige middag tussen 1.30 en 2.00 nm. by die S.R. kantoor spreek.

Johan Malan (Edms.) Bpk.

VUURMAAKHOUT

OWENLAAN 2

en

GOEDERE ERF,

Potchefstroom Stasie.

TELEFOON 5371.

ONS LEWER AF

Posbus 69,
POTCHEFSTROOM.

sport



BO: Izak van der Linde (links) en Gerrie van Rooyen (regs), twee eerstejaars wat puik vertoon het tydens die Jan de Jongh-byeenkoms in Pretoria. ONDER: Twee deelnemers aan die muurbalkampioenskappe wat verlede week 'n aanvang geneem het. (Foto's: Fotografiese Vereniging.)



**a aksie-
satisfaksie**



vol-ja smaakvol

PUKKE BLINK OP PILDITCH

PUK-ATLETE was onder andere verantwoordelik vir die puik tye wat verlede Saterdag (2 Maart) tydens die jaarlikse Jan de Jongh-atletiekbyeenkoms op die Pilditch-stadion in Pretoria aange-teken is.

Die Pukke het tweede geëindig in die mans-afdeling van die kompetisie en derde in die dames-afdeling. Indien die atlete kan voortbou op hierdie mooi vertonings, is dit nie vergesog om te voorspel dat die Pukke vanjaar die Dalrymple-byeenkoms kan wen nie.

Van die beste vertonings wat gelewer is, is Piet Meyer se rekordtyd van 13:13,6 sek. in die 3 000 m-stap. Hiermee het hy die ou Noord-Transvaalse rekord met meer as ses sekondes verbeter.

In die naellope was Gerrie van Rooyen die enigste Puk wat 'n posisie kon behaal. Hy het tweede geëindig in die 100 m met 'n tyd van 10,8 sek. Ruanda Jacobs was tweede in die 100 m vir dames met 11,4 sek.

Die 800 m vir juniors is gewen deur Izak van der Linde in die goeie tyd van 1:55,2. William Smith moes egter te-

vrede wees met 'n tweede plek in die 110 m-hekkies in 14,8 sek.

In die baannommers kon net Hester Gunter vir die dames 'n eerste plek behaal. Sy het die 400 m in 57,8 sek. afgelê.

Die veldnommers is feitlik deur die Puk-mans oorheers. Hans Booysen het nie net die gewigstoot met 15,38 m gewen nie, hy was ook eerste in die skyfwerp met 'n afstand van 48,62 m.

Deon Troskie se wenhoogte van 2,08 m in die hoogspring was 0,06 m hoër as dié van sy naaste teëstander, Coenie Spamer, ook van die Puk. Met hierdie hoogtes het hulle albei vir sowel die Suid-Afrikaanse Spele as die Suid-Afrikaanse Kampioenskappe later vanjaar gekwalifiseer.

In die paalspring het Dawie Malan weer eens mooi vertoon en gewen met 'n hoogte van 4,33 m.

Gaan eerstejaars skoonskip maak?

DIT is maar net nodig om na die beste tennisspelers onder die eerstejaars te kyk om te besef dat daar 'n donker wolk van onsekerheid oor die absolute heerskappy van die Puk se tennisterre hang.

Roeiers maak spane nat

KOBUS ERASMUS, 'n man wat reeds sewe jaar ondervinding van die kanosport het, is Donderdagaand, 28 Februarie, as nuwe voorsitter van die P.U.-Kanaklub gekies tydens die klub se vergadering.

'n Kenmerk van die vergadering was die groot geesdrif wat geheers het. Die klub bestaan uit nie minder as twintig lede nie en elke middag word daar nog groentjies by die Dam touwys gemaak in die kanokuns.

Die klub hoop om aan die einde van Mei genoeg kano's te hê sodat hulle dan op hul voornemende toer kan gaan.

Vir die lede wat reeds fiks is, is daar vanaf eerskomende Maandag (9 Maart) snelroei-kampioenskappe om aan deel te neem. Die beste roeiers uit hierdie toernooi sal teen die einde van April aan die Suid-Afrikaanse Kanokampioenskappe gaan deelneem.

KORFBAL

DIE meeste Pukke het hulle nog nie eers behoorlik in hul nuwe verblyfplekke vir die jaar ingerig nie, toe het die korfbalspelers al hul oefenbaan by die ou Puk-bane langs Skuur vol poeierstof getrap.

Volgens Marita Esterhuizen, kapteine van die korfbalspan, oefen die dames elke Maandag en Woensdagmiddag om halfvyf kliphard om fiks te word vir hul voornemende wedstryde teen manskoshuise waarin hulle die nodige wedstrydoefening wil opdoen voordat hulle Aprilmaand in Noord-Transvaal gaan toer.

Of die huidige kampioene weer vanjaar as oorwinnaars uit die stryd gaan tree, sal eers aan die einde van die P.U.-tenniskampioenskappe duidelik wees.

Die toernooi wat Saterdag (9 Maart) begin, word die volgende Saterdag voortgesit en eindig Saterdag, 23 Maart wanneer die eindrondes beslis sal word.

Elmo Ferreira, die mans-enkelspelkampioen van verlede jaar, sal hierdie keer 'n groot taak hê om sy titel teen Pikewyn Malan en die twee eerstejaars Fanie Campher en Hercules Campher te verdedig. Hoewel Malan uit die aard van sy ondervinding as Ferreira se sterkste teenstander beskou kan word (is dit miskien Fanie Campher wat die ouer manne die meeste gaan laat sweet).

In die mans-dubbelspel is verlede jaar se kampioene, Elmo Ferreira en Pieter Campher, weer die gunsteling. Hulle moet egter nie die twee Campher-eerstejaars (al die Camphers is terloops familie van mekaar) te lig skat nie.

Nog 'n eerstejaars, Rene van Rensburg, kan groot gevaar inhou vir Rihetta van Heerden se dames-enkelspeltitel. Die huidige kampioene sal beslis alles moet uithaal as sy nie haar titel wil prysgee nie.

In die dames-dubbelspel behoort Marleen Lombard en Rihetta van Heerden nie veel moeite te ondervind om hul titel van verlede jaar te behou nie. Dieselfde geld ook vir Pieter Campher en Marleen Lombard in die gemengde-dubbelspel. Verrassings is egter nie uitgesluit in enige van die gevalle nie.

Die Wapad word gedruk deur die Potchefstroom Herald (Edms.) Beperk, Olenlaan 11, Potchefstroom.

KOMPLEKS, THABA JÄH SLAAN AMPER VUIS

DIT was so hittete of Saterdag, 23 Februarie, se kriketwedstryd tussen Kompleks en Thaba Jäh het op 'n grootskaalse bakleiery uitgeloop. Gelukkig is die spelers betyds tot besinning gebring en is die manne brom-brom (maar sonder blou oë en seer knoppe) terug huis toe.

Al die ontevredenheid is veroorsaak deur 'n onduidelikheid in die vertolking van die reëls. Volgens die reëls het elke span een kolfbeurt van twee uur lank in 'n koshuis-iga-wedstryd. Daar word egter bepaal dat die span wat laaste kolf se beurt nie later as 12.40 vm. mag eindig nie, want dan moet die wedstryd reeds afgehandel wees.

Van die begin af was dit duidelik dat die Thaba Jäh-Kompleks-wedstryd, wat 'n paar minute laat begin het, 'n baie gelykop stryd gaan wees. Kompleks se kolfyd was om toe hulle 76 lopies op die telbord gehad het vir die verlies van sewe paaltjies. Thaba Jäh het gaan kolf en toe die horlosie op 12.40 staan, was hulle telling 75 lopies vir agt paaltjies. Volgens die reëls was die wedstryd verby, maar omdat die twee spanne laat begin speel het, het Thaba Jäh nog vyf minute van sy werklike kolfyd oorgehad.


Kompleks het egter besluit dat die wedstryd iets van die verlede was en hulle het die penne uitgetrek. Vir 'n geruime tyd het daar groot verwarring tussen die spelers geheers en hulle het gedreig om onder mekaar in te klim. Nadat almal gekalmeer is, is daar besluit om met die probleem na die Sportinstituut te gaan. Die punte is uiteindelik aan Thaba Jäh toegeken.

* Vervolg van bladsy 3

In tussentyd het die WAPAD verneem dat die manne al kliphard begin oefen het want daar moenie uit die oog verloor word dat daar nog 'n stywe seisoen van klub en inter-universitêre rugby voorlê. DIE PUKKE MAG AS TROTSE HOUERS VAN DIE TED SCEALES NIE EEN WEDSTRYD VERLOOR NIE. Dit sluit in Intervarsity asook die wedstryde in die Ted Sceales uitklop-kompetisie.



Elmo Ferreira (bo), mans-enkelspelkampioen, en Rihetta van Heerden (onder), dames-enkelspelkampioene, wat vanaf môre hul e titels op die Puk se tenniskampioenskappe sal verdedig. (Fotokuns.)



MOTOLEK

Hierdie onderdele is te va Sp ga Jul ko nie Ha kap ma
by u plaaslike
MOTOLEK
verspreider
verkrygbaar...



POTCH SPARES

Lombardstraat 39, Tel. 6077, 4595
POTCHEFSTROOM.

ELECTRICAL PARTS FOR JAPANESE CARS & TRUCKS.

motolek